

 LINKOVI

Oktober 2025						
Po	Ut	Sr	Ce	Pe	Su	Ne
29	30	1	2	3	4	5
6	7	8	9	10	11	12
13	14	15	16	17	18	19
20	21	22	23	24	25	26
27	28	29	30	31	1	2

🕒 Objavljeno petak, 24 Oktobar 2025 10:03
📥 Klikova: 196

Na području Zeničko-dobojskog kantona javni red i mir je narušen u trinaest slučajeva. U navedenim slučajevima intervenisali su policijski službenici i protiv počinilaca prekršaja preduzeli zakonom predviđene mjere i radnje.

Zenica

Dana 23.10. 2025. godine, u 00,05 sati, u ulici Kranjčevićeva, od strane lica A.N., rođenog 1975.godine, iz Zenice, izvršen je fizički napad na lice A.Dž., rođeno 1973. godine, iz Zenice, koje je tom prilikom zadobio teške tjelesne ozljede životno ugrožavajuće, konstatovane u Kantonalnoj bolnici Zenica. Zbog postojanja osnova sumnje da je počinilo krivično djelo "Ubistvo", u vezi sa članom 28. Krivičnog zakona Federacije Bosne i Hercegovine "Pokušaj", lice A.N. je lišeno slobode i zadržano u prostorijama za zadržavanje, te je nad istim zavedena kriminalistička obrada.

Dana 23.10.2025. godine, u 21,45 sati, u ulici Kamberovića Čikma, od strane službenika Policijske stanice Crkvice izvršenim pregledom lica K.D., rođenog 1991. godine, iz Prijedora, pronađena je biljna materija koja svojim izgledom asocira na opojnu drogu težine 11,76 grama. Zbog postojanja osnova sumnje da je izvršilo krivično djelo "Posjedovanje i omogućavanje uživanja opojnih droga" lice K.D. je lišeno slobode i zadržano u prostorijama za zadržavanje, te je nad istim zavedena kriminalistička obrada.

Breza

Dana 23.10.2025. godine, oko 15,00 sati, u mjestu Vrankamen, od strane službenika Policijske stanice Breza je izvršen pretres kuće i pomoćnih objekata, koje koristi lice V.M., iz Breze. Prilikom pretresa je pronađeno vatreno oružje-puška. Zbog postojanja osnova sumnje da je izvršilo krivično djelo „Nedozvoljeno držanje oružja ili eksplozivnih materija“, lice V.M. je lišeno slobode te je nad istim zavedena kriminalistička obrada.

Zavidovići

Dana 23.10.2025. godine, u mjestu Vrela, od strane nepoznatog lica je izvršeno krivično djelo „Oštećenje privrednih objekata i uređaja“, na način da je nepoznato lice posjeklo stablo nakon čega je isto palo na dalekovod vlasništvo JP "Elektroprivrede BiH" d.d. Sarajevo, kojom prilikom je došlo do oštećenja dalekovoda. Izvršen je uviđaj od strane službenika Policijske stanice Zavidovići koji nastavljaju aktivnosti na rasvjetljavanju dokumentovanju krivičnog djela.

Dana 23.10.2025. godine, oko 05,15 sati, ulici Safvet -bega Bašagića, od strane lica M.O., rođenog 1995. godine, iz Zavidovića je izvršeno krivično djelo „Razbojništvo“, u vezi sa članom 28. Krivičnog zakona Federacije Bosne i Hercegovine "Pokušaj", na način da je od uposlenika kasina „Mozzart“ uz upućenu prijetnju tražio novac, nakon čega je razbio stakla u objektu. Zbog postojanja osnova sumnje da je izvršilo navedeno krivično djelo, lice M.O. je lišeno slobode te je nad istim zavedena kriminalistička obrada.

Maglaj

Dana 23.10.2025. godine, oko 11,25 sati, u dežurnu službu Policijske stanice Maglaj se obratilo lice H.N., rođeno 1985. godine, iz Maglaja i prijavilo da je od strane lica H.J., iz Maglaja, izvršena prevara nad istim, kojom je oštećen za određen iznos novca. Službenici Policijske stanice Maglaj nastavljaju aktivnosti na dokumentovanju krivičnog djela "Prijevara".

Tešanj

Dana 23.10.2025. godine, mjestu Kaloševići, od strane nepoznatog lica je izvršena teška krađa u kuću, vlasništvo H.A., rođenog 1990. godine, iz Tešnja. Tom prilikom je otuđen zlatni nakit. Izvršen je uviđaj od strane službenika Policijske stanice Tešanj, koji nastavljaju aktivnosti na dokumentovanju krivičnog "Teška krađa".

BEZBJEDNOST SAOBRAĆAJA

Visoko

Dana 23.10.2025. godine, u 19,25 sati, u mjestu Buzić Mahala, na regionalnom putu Visoko-Kakanj, dogodila se saobraćajna nezgoda u kojoj su učestvovali putničko motorno vozilo marke „Opel“, kojim je upravljalo lice P.J., rođeno 2000. godine, iz Visokog i malodobna pješakinja S.S., iz Visokog, koja je tom prilikom zadobila teške tjelesne ozljede konstatovane u Kantonalnoj bolnici Zenica. Izvršen je uviđaj od strane službenika Policijske stanice Visoko.

Tešanj

Dana 23.10.2025. godine, u 09,05 sati, u mjestu Štije, dogodila se saobraćajna nezgoda slijetanjem sa kolovoza putničkog motornog vozila marke „Renault“, kojim je upravljalo lice K.M., rođeno 1962. godine, iz Travnika. Tom prilikom su vozač i saputnice iz vozila M.S., rođena 1967. godine i K.B., rođena 2004. godine, obje iz Travnika zadobili teške tjelesne ozljede konstatovane u Službi hitne medicinske pomoći Tešanj. Izvršen je uviđaj od strane službenika Policijske stanice Tešanj.

Na području Kantona dogodilo se još osam saobraćajnih nezgoda, u kojima su tri lica zadobila lakše tjelesne ozljede, dok je vozilima pričinjena materijalna šteta.